

麻呂之孫右大臣贈從一位是公之第二子也。○中雄友性温和不妄喜怒姿儀可觀音韻清朗至於賀

正宣命推之為師

〔三代實錄光孝四十七〕仁和元年正月丁巳朔天皇御大極殿受朝賀太政大臣基經行內辨太政大臣儀

不可行內辨是日別有勅行之是權時之事也

〔江次第抄正月〕元日宴會第一大臣於承明門內辨備諸事故曰內辨第二大臣以下於承明門外

辨備諸事故曰外辨雖有親王猶大臣之人行事也

〔西宮記正月〕朝拜延長七年正月一日御記云四位以上命婦無可供威儀者仍檢前例寬平八年

正五位下藤善直為四位代又蕃客時諸衛督佐代皆以五位六位官人權宛之各服本職位服以此事

仰左大臣藤原忠平令定申云男官皆用代官於女官何無其事況有寬平例被循行可無何事仍以五位

為四位代各著其色服令供奉又奏賀仲平進奏瑞者玄上不進內裏式云奏賀奏瑞者共進云々其注

云無瑞者無奏詞案此式雖無瑞猶與奏賀共進可就位仍檢前例弘仁口年仁壽三年奏賀瑞共進依

無瑞不奏貞觀六年日記云承前之例雖無奏瑞事猶置其人而別有新式不置其人亦無其位其外年

年不見奏瑞人々奏否由者但寬平八年朝拜時四位侍從忽闕以奏瑞人補侍從即知奏瑞不進者延

喜二年奏賀者獨進然則仁壽以前依式行之貞觀六年以後無瑞不設其人而今設其人置其位而又

不進皆無所據須後日一定云々

〔中右記〕天永三年十二月十日癸巳今日御元服定也。○中藏人辨申左府云寬治寬仁之例被下御元

服日時之日被定元日擬侍從但於荷前使者不被定而件二箇度ハ式日十三日以後也今日ハ十三

日以前也猶可被定歟如何雖非可定申且又可問人々者而兩三人不同被申被問予申云御元服以

後昔必有朝拜也近代雖絕依可有朝拜儀必被加定歟然者式日以前今日被定擬侍從何事之有哉

被奏件旨仰云可被定申仍召例文外記被定在端座人々暫起座左大辨書之左府入宮付藏人被奏